

現代生活藝術系列

華嚴經疏論纂要 78

— 十忍品之一 —

華藏淨宗學會印贈

大方廣佛華嚴經疏論纂要卷第七十八

五臺山清涼國師澄觀疏鈔

太原方山長者李通玄 論

閩鼓出私淑比丘道霈纂要

十忍品第二十九之一

○初來意

〔疏〕來意者。爲答普光十頂問故。義如前釋。前二已明通定用廣。今此辨其智慧深奧。故次來也。

○二釋名

〔疏〕釋名者。忍謂忍解印可。卽智照觀達。寄圓顯十。

○三宗趣

〔疏〕宗趣者。智行深奧爲宗。爲得佛果無礙無盡爲趣。然此忍行。約位卽等覺後心。爲斷微細無明。若約圓融。實通五位。寄終極說。體卽是智。不同餘宗。忍因智果。雖是一智。隨義別說。二三四五等。諸教不同。今此圓教。故說十忍。

〔論〕將釋此品。約分三門。一釋品名目。二釋品來意。三隨文釋義。一釋品名目者。明此品通初發心之始。自位升進行之門。亦通佛果後利衆生成行之方便。以隨行之忍。依行立名。二釋品來意者。前已

有十通。此乃約通有忍。若無神智通達。但成伏忍。法忍不生。以此品須來。此乃十地已前。以忍成通。十一地內。以通成忍。亦是十定。十通。十忍。是一德之功用故。三隨文釋義者。已下有十段文。明十種忍。

○四正釋文。文有長行偈頌。前中四。一舉數。歎勝。二列名顯要。三依名廣釋。四總結其名。今初先舉數。

爾時普賢菩薩。告諸菩薩言。佛子。菩薩摩訶薩。有十種忍。若得此忍。則得到於一切菩薩無礙忍地。一切

佛法無礙無盡

〔疏〕後若得下。歎勝。到無礙地。卽自分因圓。佛法無礙。卽勝進果滿。

○第二列名顯要

何者爲十。所謂音聲忍。順忍。無生法忍。如幻忍。如燄忍。如夢忍。如響忍。如影忍。如化忍。如空忍。此十種忍。三世諸佛已說。今說當說。

〔疏〕列名顯要中。初徵數。次列名。後顯要名中前三約法。後七就喻。三中初一約教。謂忍於教聲。從境爲名。音聲之忍。次一約行。順諸法故。順卽是忍。三

無生忍者。若約忍無生理。卽無生之忍。若約無生之智。及煩惱不生。則無生卽忍。通二釋也。後七約喻中。竝是依主。謂如幻之忍等故。若依攝論第五。八喻。皆喻依他起性。然竝爲遣疑。所疑不同。故所喻亦異。一以外人聞依他起相。但是妄分別有。非眞實義。遂卽生疑云。若無實義。何有所行境界。故說如幻。謂幻者。幻作所緣。六處豈有實耶。二疑云。若無實。何有心。心法轉。故說如焰飄動。非水似水。妄有心轉。三疑云。若無實。何有愛非愛受用。故說如夢中。實無男女。而有愛非愛受用。覺時亦爾。四

疑云。若無實。何有戲論言說。故說如響。實無有聲。  
 聽者謂有。五疑云。若無實。何有善惡業果。故說如  
 影。謂如鏡影像。故亦非實。六疑云。若無實。何以菩  
 薩作利樂事。故說如化。謂變化者。雖知不實。而作  
 化事。菩薩亦爾。然彼論無空喻。而影喻是鏡像。更  
 有映質光影喻。喻種種識無實。又有水月喻。喻定  
 地境界無實。今經以義類同。故合在影中。至文當  
 知。金剛般若九喻。亦皆喻有為。鈔言九喻者。羅什  
 譯經。但有六喻。九  
依魏經偈云。一切有為法。如星翳燈幻。流露泡夢電。  
 雲無著論當第十八上。求佛地住處。明流轉不染。  
 天親當二十七。說法入寂疑。謂佛既涅槃。何能說  
 法。故舉此偈。爲了有爲。如幻等。卽無有爲。是爲大

智故不住生。死然非無幻等。故不離有爲。卽是大悲。故不住涅槃。以是無住涅槃。故能入寂而說法也。若大品智論十喻通喻一切。十喻者。一如幻。二如虛空。五如響。六如犍闥。婆城。七如夢。八如影。九如鏡中像。十如化智論第七。廣明其相。什公有傳。戲公有讚。下釋。此十種下顯要。要故同說。

○大文第三。依名廣釋卽爲十段。前七皆三。謂微

起釋義結名。今初音聲忍

佛子。云何爲菩薩摩訶薩音聲忍。謂聞諸佛所說之法。不驚。不怖。不畏。深信。悟解。愛樂。趣向。專心憶念。修習安住。是名菩薩摩訶薩第一音聲忍。

釋中十一句。初一總舉所聞。謂三無性等法。餘顯

能聞入法。謂聞無相不驚。以解徧計無所有故。聞無生不怖。以解依他必無生故。聞無性不畏。以解真如無性性故。又釋於真空法聞時不驚。越思時不續怖。修時不定畏。又聞有無所有不驚。聞空無所有故不畏。竝如諸般若論說。深信者聞慧之始。悟解者聞慧之終。初信久解故。愛樂者思慧之初。愛法樂觀故。趣向爲終。久思向修故。專心憶念者。修慧之初。起加行故。修習爲終。正明造修。至定根本故。安住者。依定發慧。證理相應故。具如瑜伽苦

薩地中

○第二順忍

佛子。云何為菩薩摩訶薩順忍。謂於諸法。思惟觀察。平等無違。隨順了知。令心清淨。正住修習。趣入成就。是名菩薩摩訶薩第二順忍。

〔疏釋〕中有四重止觀。一創修止觀。謂止思一境。觀

觀事理。鈔釋中等者。既行順諸法。行中之要。唯止境。不揀事理。一漸次止觀。謂止安事境。順其理故。

經云。思惟。二漸次止觀。謂止安事境。順其理故。

名平等無違。觀達事理。名隨順了知。偈云。法有亦

順知。法無亦順知故。謂止安事境者。謂前創修事理。容別今漸深入。故即事入

玄。上二之止。皆通隨緣體真。止中停止。二純熟止。止也。一處之觀。並通空假。皆觀達觀也。

觀謂止惑不生。名令心清淨。觀徹前境。為正住修

習。謂止惑不生者。即止息止也。以妄息。各止故。其

正住修習者。即雙住空有中道不偏。故云正住。

義通觀。穿及與觀。四契合止觀。寂冥理境。名為趣

入智顯於心。故云成就。既與理冥。非止非不止。謂

名曰止。智顯於心者。即不觀觀法。上四皆止觀俱

界洞朗。非觀非不觀。而強名觀耳。上四皆止觀俱

○第三無生忍

佛子。云何為菩薩摩訶薩無生法忍。佛子。此菩薩摩

訶薩。不見有少法生。亦不見有少法滅。何以故。若無

運者。方為真耳。

上四等者。亦容有止觀別修。則未為真實順忍。若俱

生則無滅。若無滅則無盡。若無盡則離垢。若離垢則無差別。若無差別則無處所。若無處所則寂靜。若寂靜則離欲。若離欲則無作。若無作則無願。若無願則無住。若無住則無去無來。是名菩薩摩訶薩第三無生法忍。

〔疏〕釋中有一。先總明。若具皆應牒無盡等。此二總故畧標之。釋中具有。皆此別義。後何以故下。徵釋。徵意有二。一云。何以得知無生滅耶。二云。既稱無生法忍。何以復言不見法滅。釋中。釋初徵意云。眞法本自不生。從緣之法。無性故不生。以無生故何。

有於滅。此則以緣集釋無生。以無生釋無滅。此中  
 畧無緣集。偈文具云。云何無生。釋無滅耶。此有二  
 意。一云。若先是生。後必可滅。本既不生。今則無滅。  
 二云。既即緣無性。稱曰不生。則不待滅。竟方無。故  
 次云無滅。此二為總。餘可倣之。鈔得文具者。偈  
 云。菩薩亦如是。觀  
 緣起。無生故無滅。釋第二徵意云。夫無生忍。非獨  
 無生。必諸法都寂。今從初義。立無生稱。故無滅等。  
 成無生義。若從別義。亦可得稱無滅忍等。故信力  
 入印度經。明此忍。能淨初歡喜地。二云。一謂得無生  
 忍。亦令他住。又云。無生忍者。謂證寂滅故。二得無

滅忍亦令他住。又云無滅忍者。證無生故。斯文可據。又此諸句各有二義。一以前前釋後後。以後後成前前。前前有故後後有。前前無故後後無。二者諸句。一皆在無生句中。正無生時。諸義頓足。以是卽事之理。非斷滅故。卽理之智。無能所故。然文旨包含畧爲三釋。一唯約理。二具理智。三唯約智。今初云何前前有故則後後有。謂生法旣滅。滅則終盡。盡則是垢染法。染則前後別異。別則方處不同。有處則能所非寂。不寂則有所欲。有欲則有營作。作則有所願求。願則心住願事。住則有去有來。

今由前前無故。後後斯寂。故以後後顯成無生。此  
 順長行。二雙約理智者。初二是總。含於理智。次四  
 顯理無生。後六顯智無生。故偈云。其心無染著等。  
 理智契合。名無生忍。次四顯理者。以盡是有為。垢  
 是煩惱。差別是事異處。是方  
隅。竝所觀境。今了即真。為理無生。後六顯智者。以  
 心妄動。即名為生。若心寂靜。即智不生。故偈云。下  
 引證約智。理智契合。下。結成上。義偈舉一句。具云  
 無滅。故無盡。無盡。故無染。釋曰。此即前四約理也。  
 次偈云。於世變異法。了智無變異。無異。則無處。無  
 處。則寂靜。其心無染著。願度諸眾生。釋曰。此即後  
 六顯智。疏舉一句。顯智分  
 明。等言。等餘皆約智相。 三唯約智者。由了從緣  
 無生。則智無有起。故名無生。無生之智。湛然不遷。  
 故云無滅。無滅。故用無斷盡。次垢念皆離。常無差

異旁無方所。照而常寂。遇境無染。雖爲而無作。雖悲而無願。處世而無住。等法界而無去來。皆以前釋後。以後成前。言亡慮絕。寂照湛然。名無生忍。二約智下。初由了從緣成智之由。故智無起。契上理故。起卽生義。湛然不遷。體不滅無。不動約理。無生可滅。正同十地義大之中。無生無滅。非一往滅餘。皆甚深般若。無生眞智。妙用不同。但空唯遮諸過。審須思之。若唯約知無生理。名無生忍。未足深玄。若唯

下。三結彈古義。卽刊定記彼中。但云。諸法從緣故。各無自生。生旣無生。滅依何滅。故今彈云。若理無生。知之爲忍。小聖亦有。故非等覺。深玄之忍。

○第四如幻忍。釋中二。先畧。後廣。今初。

佛子。云何爲菩薩摩訶薩如幻忍。佛子。此菩薩摩訶

薩知一切法皆悉如幻。從因緣起於一法中解多法。於多法中解一法。此菩薩知諸法如幻已。了達國土了達衆生。了達法界。了達世間平等。了達佛出現平等。了達三世平等。成就種種神通變化。

〔疏文〕二。先了幻緣相。後此菩薩下。成就忍行。今初有三。初指法同喻。次從因緣起者。彰幻所由。由緣生不實故。後於一法下。顯其幻相。初一切法。卽是所喻。所喻通局已。見上文。此意明通。通爲無爲。故小品云。設有一法。過涅槃者。我亦說言如夢如幻。涅槃雖真。從緣顯故。遣著心故。廣中合云。了世如

幻則似有爲。然有法世。亦通無爲。此爲有爲所隱。覆故。所以名世。故後云菩提涅槃。亦皆不見者。了平等故。鈔涅槃雖真下。釋經妨難。謂有難言。妄法緣生。可許如幻。涅槃真實。又不從緣。如何同幻。故牒釋之。釋有二意。一明雖真而亦從緣顯。雖非緣生。而是緣顯。亦空無性。二明涅槃非幻。爲破著涅槃心。云如幻耳。是則破心中涅槃。亦就法顯涅槃體。卽真空而成。鈔有故。竝如智論。就法喻中。各開五法。如結一巾。幻作一馬。一有所依之巾。二幻師術法。三所現幻馬。四馬生卽是馬。五愚小謂有。初中喻法性。二術喻能起因緣。謂業惑等。三喻依他起法。卽衆生等。四喻依他無性。卽是圓成。故廣說皆云非也。五喻取爲人法。今菩薩反

此故云解了。今經云從因緣起能起卽第一所起  
卽第三以第二爲因。令悟第三成第四。遣第五病。  
歸第一理。然緣亦從緣。故緣果俱幻。中論云。譬如  
幻化人復作幻化人卽斯意也。然緣亦下。三通妨。謂有難云。若以第  
二惑業爲緣。令第三依他爲無性者。第二業惑應  
當是實。不從緣故。故今釋云。亦從緣起。謂業從惑  
生。惑由虛妄分別。卒至無住。皆託因緣。故引中論  
明因果俱寂。故論合云。如初幻化人是則名爲業  
幻化人所作。則名爲業果。旣未有一  
法不從緣生。爲彰緣起。故分能所。然上五義各  
具有無一。巾。性有相無。爲馬所隱故。二術。用有體  
無。以依巾無體故。三馬。相有實無。以實無而現故。  
四生卽是無。死卽是有。以無礙故。五情有理無。但

妄見故。後顯幻相。畧爲二解。一約相類。謂解一無實。則知一切皆然。並從緣故。故云。一中解多等。二約圓融。復有三義。一以理從事。故說相卽。如馬頭之中。不異足巾。說頭卽足故。一卽多等。無行經云。貪欲卽是道者。貪欲性故。諸法卽貪欲者。卽貪實故。二以理融事。一多相卽。如馬頭無別有。卽以巾爲頭。以巾體圓融故。令頭卽足。故云。一中解多等。三約緣起相由力。則法界同一幻網。令一多相卽。如幻師術力。令多卽一等。賢首品云。或現須臾。作百年等。以幻法虛無障礙故。相卽旣爾。相入亦然。

入則一中多有等。異體既爾。同體亦然。一門既爾。

餘門思準。一約相類者。如觀一葉落。知天下秋。見花開。知天下春矣。二約圓融下。疏有

三意。初卽事理無礙義。二以理融事。下兩門。事無礙義。前門卽法性融通門。三卽緣起相由門。一

門已下。三以門例門。如緣起相由門。既爾無定性。唯心現等諸門亦然。又相卽入既爾。微細相容安

立門等。一亦然。二成忍行中。由知法幻。成二種行。一忍智

現前云了平等。二幻用無礙云成通化。云何平等。

一理事平等。如巾馬無二。故色卽空等。二理理平

等。如頭足俱巾。巾無別故。如賢聖同如。三事事平

等。如前一多中說。

○第二廣中三。一喻。二合。三忍行成。今初。

譬如幻非象非馬非車非步非男非女非童男非童女非樹非葉非華非果非地非水非火非風非晝非夜非日非月非半月非一月非一年非百年非一劫非多劫非定非亂非純非雜非一非異非廣非狹非多非少非量非無量非麤非細非是一切種種衆物。種種非幻。幻非種種。然由幻故。示現種種差別之事。

〔疏〕文二。先明性無。卽體空義。故結云。非是一切種種之物。所非之事。亦可次第。對前情非情境。非之事者。如非男非女。卽對前了達衆生。非地水火風。卽對前了達國土等。二種種非幻下。明其相有。卽相差別義。故云。然由幻故。示現別

事於中初二句。結前生後種種非幻者。象等非術。故下句反此。法合可知。然由下。正顯相有。雖互相非。然由因起果。虛而假現。又喻智了平等而起化用。

○第二法合

菩薩摩訶薩亦復如是。觀一切世間如幻。所謂業世間。煩惱世間。國土世間。法世間。時世間。趣世間。成世間。壞世間。運動世間。造作世間。

〔疏〕文有總別。皆言世間者。有二義。一可破壞故。卽喻有爲。二隱覆名世。亦通無爲。則法通五類。趣謂

五趣成壞約器。一期說故運動通情非情。念念移故。造作唯情。現營爲故。

○第三成忍行

菩薩摩訶薩觀一切世間如幻時。不見衆生。不見衆生滅。不見國土。生不見國土滅。不見諸法。生不見諸法滅。不見過去。可分別。不見未來。有起作。不見現在。一念住。不觀察菩提。不分別菩提。不見佛出現。不見佛涅槃。不見住大願。不見入正位。不出平等性。是菩薩雖成就佛國土。知國土無差別。雖成就衆生界。知衆生無差別。雖普觀法界。而安住法性寂然不動。

雖達三世平等而不違分別三世法。雖成就蘊處而永斷所依。雖度脫衆生而了知法界平等無種種差別。雖知一切法遠離文字不可言說而常說法辯才無盡。雖不取著化衆生事而不捨大悲爲度一切轉於法輪。雖爲開示過去因緣而知因緣性無有動轉。是名菩薩摩訶薩第四如幻忍。

〔疏〕忍行中二。先成眞智行。由了體空故。故結云。不出平等性。又前法中。明卽寂之照。云了平等。此明卽智之止。故云不見。是知無幻之幻。方是幻法。絕見之見。方爲見幻。二是菩薩下。明動寂無二亦權。

實不二。故經云：智不得有無，而興大悲心。由了體

空，不壞幻相，差別故。如象生卽是象，死鈔故經云

也。卽楞伽第一，大慧讚佛偈：然彼經歎佛了達三

性，初得云：世間離生滅，猶如虛空。花智不得有無，

而興大悲心。此明了，編計次偈云：一切法如幻，遠

離於心識。智不得有無，而興大悲心。遠離於斷常

世間，恒如夢。智不得有無，而興大悲心。此上二偈

明了，依他次偈云：知人法無我，煩惱及爾。常清

淨無相，而興大悲心。此偈明了，圓成又此上得準

金光明意，卽顯佛具三身。謂了編計成化身了，依

他成報身了，圓成成法身。然四偈下半皆同。今文

正引依他中如幻下半，其如夢下半。如夢忍中更

引若依歡公十喻之讚，多顯空理。如幻喻云：幻惑

愚目，流盼無已。長勤世間，父父子子。我實非我。妄

想而起，若了如幻。此心自止，然彼有十喻。水月鏡

像，既合影中，更有捷城之喻。應同幻攝，彼捷闍婆

城，喻讚云：世法空廓，如彼鬼城。凌晨敷影，現此

都京。愚夫馳赴，隨風而征。終朝乃悟，窮嗽失聲。

○第五如燄忍

佛子。云何爲菩薩摩訶薩如燄忍。佛子。此菩薩摩訶薩。知一切世間。同於陽燄。譬如陽燄。無有方所。非內非外。非有非無。非斷非常。非一色非種種色。亦非無色。但隨世間言說顯示。菩薩如是。如實觀察。了知諸法現證一切。今得圓滿。是名菩薩摩訶薩第五如燄忍。

〔疏釋中有三。一指法同喻。所喻如前。一別顯喻相。三總以法合。一中若別開義門。亦具五義。一空地。二陽氣。三氣與空地。合而有焰。四焰似水。卽無水。

五令渴鹿謂有初喻如來藏。二喻無明習氣。三喻習氣熏動心海起緣生似法。四喻依他無生。五喻凡小執實。若十喻論法喻各有多義。如彼廣說其有無等義。如幻應知。經文有二初喻體空。鈔第五若十喻者。智論釋如燄云。燄以日光風動塵故。曠野中動如野馬無智人初見謂之為水。男女之相亦復如是。結使煩惱。日光熱氣諸行之塵。邪憶念風生。曠野中轉。無智者謂為一相。為男為女。是名如燄。復次若遠見燄。想之為水。近則無水。想無智之人亦復如是。若遠聖法不知無我。不知諸法空於眾界入性空法中。生於人想。男想。女想。近聖法者則知諸法實相。是時虛誑種種妄想盡除。以是故說諸菩薩摩訶薩。知諸法如燄。釋曰。彼就妄說生。死為曠野。今就真妄合說。故以空地喻如來藏。戲公云。燄惑癡愛樂之無極。非身想身。非色後見色實無可樂。莫之能識。若有智慧。此心自息。後

但隨下。喻其相有三菩薩下。法合中。初明了法後  
現證下。明成忍行

政和縣白雲菴比丘成定捐衣孟之貲  
刊刻  
華嚴經十忍品疏論纂要第七十八卷  
承遠流通上薦  
故考和四十二先生思齋王公妣卽氏  
同承法力各遂往生者伏願  
佛光洞照法力冥資頓破幽關直入光  
明之地豁開心眼同遊華藏之門普報  
四恩均沾九有  
康熙十八年九月五日 華藏室謹題

大方廣佛華嚴經疏論纂要卷第七十八